

ICAP Fan Club beri peluang kepada pelabur jana kewangan

PETALING JAYA – Hari Pelabur 2023 icapital.biz Berhad (icapital) yang berjaya menghimpunkan pemimpin industri, pakar kewangan antarabangsa dan pelabur untuk meningkatkan kefahaman tentang perkembangan ekonomi dan pasaran serta meluaskan kekayaan seseorang, telah melancarkan ICAP Fan Club.

Ketua Pegawai Eksekutif Capital Dynamics dan individu yang dilantik oleh icapital.biz Berhad Tan Teng Boo berkata, ICAP Fan Club adalah kelab peminat korporat pertama di Asia-Pasifik yang bertujuan untuk menjana kewangan dan juga menyediakan masa depan yang lebih baik untuk generasi akan datang.

“Antara objektif lainnya adalah memberi peluang kepada ahlinya berkongsi pengetahuan dan pengalaman pelaburan bersama yang lain bagi meningkatkan kualiti pegangan saham icapital,” katanya.

Beliau berkata demikian dalam kenyataan bersempena program Hari Pelabur 2023 di sini baru-baru ini.

Teng Boo berkata, program tersebut bakal diteruskan pada tahun depan dengan objektif untuk berkongsi ilmu dan me-



TAN TENG BOO berucap pada Hari Pelabur 2023 icapital di Kuala Lumpur baru-baru ini.

ngubah seseorang individu itu menjadi pelabur yang baik.

Menurut beliau, melalui kejayaan tersebut, pelaburan yang baik akan mempengaruhi individu lain dalam kehidupan mereka seterusnya memberi kesan kepada ekonomi.

Selain itu, dalam majlis tersebut turut diadakan aktiviti *icapital Talent Show* yang mana 18 finalis terdiri daripada pelajar universiti menyampaikan

persembahan artistik, kreatif dan imaginatif di atas pentas.

Johan dimenangi oleh Harvard Sandar dari Kolej Universiti Geomatika dengan hadiah wang tunai RM3,000, naib johan pertama (RM2,000) dimenangi oleh Pasqueletta Joan Paulus dari Institut Pengajian Guru, manakala Lim Ke Xin dari Universiti Pengurusan dan Teknologi Tunku Abdul Rahman menang naib johan kedua (RM1,000).

DATE : 8 NOVEMBER 2023

PUBLICATION : KOSMO!

SECTION : BUSINESS

HEADLINE : ICAP Fan Club beri peluang kepada pelabur jana kewangan

CATEGORY : COMPANY NEWS